

TILSKIPUN EVRÓPUÞINGSINS OG RÁÐSINS 1999/41/EB

2001/EES/31/11

frá 7. júní 1999

um breytingu á tilskipun 89/398/EBE um samræmingu laga aðildarríkjanna um sérfaði(*)

EVRÓPUÞINGIÐ OG RÁÐ EVRÓPUSAMBANDSINS HAFA,

með hliðsjón af stofnsáttmála Evrópubandalagsins, einkum 95. gr.,

með hliðsjón af tillögu framkvæmdastjórnarinnar ⁽¹⁾,með hliðsjón af álit efnahags- og félagsmálanefndarinnar ⁽²⁾,

og að teknu tilliti til eftirfarandi:

í samræmi við málsmeðferðina, sem mælt er fyrir um í 251. gr. í sáttmálanum ⁽³⁾, með tilliti til sameiginlega textans sem samþykktur var af sáttanefndinni 18. mars 1999.

- 1) Í 4. gr. tilskipunar 89/398/EBE ⁽⁴⁾ er kveðið á um að mæla skuli fyrir um sérákvæði, sem gilda um þá flokka matvæla sem taldir eru upp í I. viðauka, með sértilskipunum framkvæmdastjórnarinnar.
- 2) Fram að þessu hafa verið samþykktar sértilskipanir um ungbarnablöndur og stoðblöndur ⁽⁵⁾, um unnin matvæli með korn sem uppistöðu og barnamat fyrir ungbörn og smábörn ⁽⁶⁾ og um matvæli sem nota á sem orkusnautt megrunarfaði. ⁽⁷⁾ Af ástæðum, er varða almannaheilbrigði, er rétt að samþykka sértilskipanir í samræmi við 4. gr. tilskipunar 89/398/EBE um næringarblöndur til sérstakra læknisfræðilegra nota og blöndur sem ætlaðar eru til nota í tengslum við mikla vöðvaáreynslu, einkum hjá íþróttafólki, eins og um getur í I. viðauka við þá tilskipun.
- 3) Matvæli sem innihalda lítið natríum, þar með talin sölt með lítið eða ekkert natríum og glútensnaut matvæli,

(*) Þessi EB-gerð, sem birtist í Stjtið. EB L 172, 8.7.1999, bls. 38, var nefnd í ákvörðun sameiginlegu EES-nefndarinnar nr. 54/2000 frá 28. júní 2000 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn. Sjá EES-viðbæti við Stjórnartíðindi Evrópubandalaganna nr. 42, 21.9.2000, bls. 10.

⁽¹⁾ Stjtið. EB C 108, 16.4.1994, bls. 17 og Stjtið. EB C 35, 8.2.1996, bls. 17.

⁽²⁾ Stjtið. EB C 388, 31.12.1994, bls. 1.

⁽³⁾ Álit Evrópuþingsins frá 11. október 1995 (Stjtið. EB C 287, 30.10.1995, bls. 104), sameiginleg afstaða ráðsins frá 22. júlí 1997 (Stjtið. EB C 297, 29.9.1997, bls. 1) og ákvörðun Evrópuþingsins frá 18. desember 1997 (Stjtið. EB C 14, 19.1.1998, bls. 123). Ákvörðun Evrópuþingsins frá 5. maí 1999 og ákvörðun ráðsins frá 11. maí 1999.

⁽⁴⁾ Stjtið. EB L 186, 30.6.1989, bls. 27. Tilskipuninni var breytt með tilskipun 96/84/EB (Stjtið. EB L 48, 19.2.1997, bls. 20).

⁽⁵⁾ Tilskipun framkvæmdastjórnarinnar 91/321/EBE frá því í maí 1991 um ungbarnablöndur og stoðblöndur (Stjtið. EB L 175, 4.7.1991, bls. 35). Tilskipuninni var breytt með tilskipun 96/4/EB (Stjtið. EB L 49, 28.2.1996, bls. 12).

⁽⁶⁾ Tilskipun framkvæmdastjórnarinnar 96/5/EB frá 16. febrúar 1996 um unnin matvæli með korn sem uppistöðu og barnamat fyrir ungbörn og smábörn (Stjtið. EB L 49, 28.2.1996, bls. 17).

⁽⁷⁾ Tilskipun framkvæmdastjórnarinnar 96/8/EB frá 26. febrúar 1996 um matvæli sem nota á sem orkusnautt megrunarfaði (Stjtið. EB L 55, 6.3.1996, bls. 22).

má markaðssetja á fullnægjandi hátt undir virku opinberu eftirliti samkvæmt almennum ákvæðum tilskipunar 89/398/EBE, að því tilskildu að skilyrðin fyrir notkun tiltekinna hugtaka, sem eru notuð þegar tilteknir næringareiginleikar vara eru tilgreindir, séu skilgreind.

- 4) Brottfelling þessara flokka úr I. viðauka tilskipunar 89/398/EBE væri í samræmi við þá viðleitni að komast hjá óþarflega ítarlegri löggjöf.
- 5) Ekki er ljóst hvort nægjanlegur grunnur er fyrir hendi til að samþykka sértilskipanir fyrir flokkinn sem er tiltekinn í 9. lið I. viðauka við tilskipun 89/398/EBE, þ.e. þann flokk matvæla sem ætlaður er einstaklingum sem þjást af truflunum í kolvetnaefnaskiptum (sykursýki).
- 6) Því skal sækja ráðleggingar, meðal annars til vísindanefndarinnar um fóður, áður en tekin er lokaákvörðun um málið.
- 7) Enn verður hægt að samræma á vettvangi bandalagsins reglur um aðra flokka matvæla, sem eru ætluð til sérstakrar næringar, til að gæta hagsmuna neytenda og frjálsra flutninga slíkra matvæla.

SAMÞYKKT TILSKIPUN ÞESSA:

I. gr.

Tilskipun 89/398/EBE er breytt sem hér segir:

1. Eftirfarandi greinar bættist við:

„4. gr. a

Reglur um notkun hugtakanna

— skert innihald natríums eða salts, eða natríum- eða saltsnautt (natríumklóríð, matarsalt),

— glútensnautt,

sem nota má til að lýsa vörunum sem um getur í 1. gr. og skulu samþykktar í samræmi við málsmeðferðina sem mælt er fyrir um í 13. gr.

4. gr. b

Fyrir 8. júlí 2002 skal framkvæmdastjórnin, að höfðu samráði við vísindanefndina um fóður, leggja fyrir Evrópuþingið og ráðið skýrslu þess efnis að æskilegt sé að setja sérákvæði um matvæli ætluð einstaklingum sem þjást af truflunum í kolvetnaefnaskiptum (sykursýki).

Framkvæmdastjórnin skal, með tilliti til niðurstaðna áður nefndrar skýrslu, annaðhvort vinna áfram að undirbúningi þeirra sérákvæða, sem um ræðir, í samræmi við málsmeðferðina sem mælt er fyrir um í 13. gr. eða leggja fram viðeigandi tillögur um breytingar á þessari tilskipun í samræmi við málsmeðferðina sem mælt er fyrir um í 95. gr. sáttmálans.“

2. Eftirfarandi komi í stað 5. mgr. 9. gr.:

„5. Fyrir 8. júlí 2002 og þriðja hvert ár eftir það skal framkvæmdastjórnin leggja skýrslu fyrir Evrópuþingið og ráðið um framkvæmd ákvæða þessarar greinar.“

3. Eftirfarandi komi í stað I. viðauka:

„I. VIÐAUKI

— Flokkar matvæla sem ætluð eru fyrir sérstakt næringarfæði og sérákvæði verða sett um með sértilskipunum:

1. Ungbarnablöndur og stoðblöndur
2. Unnin matvæli með korn sem uppistöðu og barnamatúr fyrir ungbörn og smábörn
3. Fæði ætlað til notkunar í orkuskertu mataræði vegna megrunar
4. Sérnæringarfæði notað í sérstökum læknisfræðilegum tilgangi
5. Fæði sem ætlað er til nota í tengslum við mikla vöðvaáreynslu, einkum hjá íþróttafólki.

— Flokkar matvæla sem ætluð eru fyrir sérstakt næringarfæði og sérákvæði verða sett um með sértilskipun (¹) eftir því hvaða árangur verður af málsmeðferðinni sem lýst er í 4. gr. b:

6. Fæði fyrir einstaklinga sem þjást af truflunum í kolvetnaefnaskiptum (sykursýki).

(¹) Gert er ráð fyrir að tilskipunin hafi ekki áhrif á vörur, sem voru komnar á markað áður hún er samþykkt.“

2. gr.

Aðildarríkin skulu samþykkja nauðsynleg lög og stjórnsýslu-fyrirmæli til að fara að tilskipun þessari eigi síðar en 8. júlí 1999. Þau skulu tilkynna það framkvæmdastjórninni þegar í stað.

Beita ber þessum ráðstöfunum þannig að:

— heimiluð verði verslun með framleiðsluvörur, sem samræmast ákvæðum þessarar tilskipunar, eigi síðar en 8. júlí 2000;

— bönnuð verði verslun með framleiðsluvörur, sem samræmast ekki ákvæðum þessarar tilskipunar, eigi síðar en 8. janúar 2001.

Þegar aðildarríkin samþykkja þessar ráðstafanir skal vera í þeim tilvísun í þessa tilskipun eða þeim fylgja tilvísun þegar þær eru birtar opinberlega. Aðildarríkin skulu setja nánari reglur um slíka tilvísun.

3. gr.

Tilskipun þessi öðlast gildi á þeim degi sem hún birtist í *Stjórnartíðindum Evrópubandalaganna*.

4. gr.

Tilskipun þessari er beint til aðildarríkjanna.

Gjört í Lúxemborg 7. júní 1999.

Fyrir hönd Evrópuþingsins,

J.M. GIL-ROBLES

forseti.

Fyrir hönd ráðsins,

E. BULMAHN

forseti.